

Тошкент шаҳар Яшнобод
тумани хокимлиги ҳузуридаги
тадбиркорлик субъектларига
давлат хизматлари кўрсатиш
«ЯГОНА ДАРЧА МАРКАЗИ»
томонидан 2016 йил «26» 08
07-000193 - сон билан

РҲЙХАТГА ОЛИНДИ



«G'ALLA-ALTEG» акциядорлик
жамияти акциядорларининг 2016 йил
8 августдаги павбатдаги ташкари
умумий йиғилиш қарори билан

ТАСЛИКЛАНГАН

Умумий йиғилиш раиси
У.М.Меликов

A handwritten signature in black ink, appearing to read 'U.M. Melikov'.

«G'ALLA-ALTEG»
aksiyadorlik jamiyati
УСТАВИ
(янги тахрирда)

Тошкент 2016 йил

1. ЖАМИЯТНИНГ ФИРМА НОМИ, ЖОЙЛАШГАН ЕРИ (ПОЧТА МАНЗИЛИ) ВА ЭЛЕКТРОН ПОЧТА МАНЗИЛИ. ЖАМИЯТНИНГ ЮРИДИК МАҚОМИ.

1.1. «G'ALLA-ALTEG» акциядорлик жамияти (бундан буён матнда Жамият деб юритилади) Ўзбекистон Республикаси Давлат мулкни бошқариш ва тадбиркорликни кўллаб қувватлаш давлат қўмитасининг 1995 йил 27 апрелдаги 122к-ПО – сонли “1-сонли Тошкент ун заводи”ни очик акциядорлик жамиятига айлантириш тўғрисидаги буйруғига биноан ташкил этилган.

«GALLA-ALTEG» акциядорлик жамияти Ўзбекистон Республикаси Вазирлар Маҳкамасининг 2004 йил 6 августдаги 376-сонли Карорига ва Давлат мулки қўмитаси Тошкент шаҳар бошқармасининг 2004 йил 10 сентябрьдаги 283к-ПО сонли буйруғига асосан ташкил этилган “Toshkent shahar don qabul qilish korxonasi” очик акциядорлик жамиятининг барча ҳуқуқий ва мажбуриятлари буйича вориси ҳисобланади.

1.2. Жамиятнинг фирма номи:

- Ўзбек тили кирил алифбосида:
 - тўлиқ фирма номи: «G'ALLA-ALTEG» акциядорлик жамияти;
 - қисқартирилган фирма номи: « G'ALLA-ALTEG » АЖ.
- Ўзбек тили лотин алифбосида:
 - тўлиқ фирма номи: «G'ALLA-ALTEG» aksiyadorlik jamiyati;
 - қисқартирилган фирма номи: «G'ALLA-ALTEG» AJ.
- Рус тилида:
 - тўлиқ фирма номи: Акционерное общество «G'ALLA-ALTEG»;
 - қисқартирилган фирма номи: АО «G'ALLA-ALTEG».
- Инглиз тилида:
 - тўлиқ фирма номи: Joint-Stock Company «G'ALLA-ALTEG»;
 - қисқартирилган фирма номи: JSC «G'ALLA-ALTEG».

1.3. Жамиятнинг жойлашган ери (*почта манзили*): 100060, Ўзбекистон Республикаси Тошкент шаҳар, Яшнобод тумани, Элбек кўчаси, 37 уй.

1.4. Жамиятнинг электрон почта манзили: info@gallaalteg.uz

1.5. Жамият давлат рўйхатидан ўтказилган пайтдан эътиборан юридик шахс мақомига эга бўлади. Жамият чекланмаган муддатга тузилган.

1.6. Жамият юридик шахс бўлиб, у ўз мустақил балансида ҳисобга олинган алоҳида мол-мулкка, шу жумладан ўзининг устав фондига (устав капиталига) берилган мол-мулкка эга бўлади, ўз номидан мулкий ва шахсий номулкий ҳуқуқларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлиши мумкин.

1.7. Жамият Ўзбекистон Республикаси ҳудудида ва ундан ташқарида банк ҳисобварақлари очишга ҳақлидир.

1.8. Жамият ўзининг фирма номи давлат тилида тўлиқ ёзилган ҳамда жойлашган ери кўрсатилган юмалоқ муҳрга эга. Муҳрда бир вақтнинг ўзида фирманинг номи бошқа исталган тилда ҳам кўрсатилиши мумкин.

1.9. Жамият ўзининг номи ёзилган штамп ва бланкаларга, ўз тимсолига, шунингдек белгиланган тартибда рўйхатдан ўтказилган товар белгисига ҳамда фуқаролик муомаласи иштирокчиларининг, товарларнинг, ишларнинг ва хизматларнинг хусусий аломатларини акс эттирувчи бошқа воситаларга эга бўлишга ҳақли.

1.10. Жамият филиаллар ташкил этишга ва ваколатхоналар очишга ҳақли.

1.11. Жамиятнинг филиали ва ваколатхонаси юридик шахс бўлмайди. Улар жамиятнинг кузатув кенгаши томонидан тасдиқланган низом асосида иш юритади. Жамиятнинг филиалга ва ваколатхонага бериб қўйилган мол-мулки жамиятнинг балансида ҳисобга олинади.

1.12. Жамият акциядорлик жамияти ёки масъулияти чекланган жамият шаклидаги шўъба ва тобе хўжалик жамиятларига эга бўлиши мумкин. Жамият ва шўъба ва тобе хўжалик жамиятлар ўртасидаги ўзаро муносабатлар амалдаги қонунчилик ва ушбу устав билан тартибга солинади.

2. ЖАМИЯТНИНГ МАҚСАДИ ФАОЛИЯТ СОҲАСИ (АСОСИЙ ЙЎНАЛИШЛАРИ).

2.1. Жамиятнинг мақсади хўжалик фаолиятида ишлаб чиқариш орқали фойда (даромад) олишдир.

2.2. Жамиятнинг асосий фаолият турлари қуйидагилардан иборат:

- турли навдаги ун, ёрма, дон қабул қилиш ва макарон маҳсулотларини ишлаб чиқариш;
- қишлоқ хўжалиги корхоналари билан контрактация шартномаларига асосан донни тайёрлаш;
- омихта - ем ва ем аралашмаларини ишлаб чиқариш ва сотиш;
- донни тайёрлаш, сотиб олиш, сақлаш, қайта ишлаш, уруғ (бошокли, дуккакли, техник);
- маҳсулотларни сотиб олиш ва тарқатиш бўйича савдо – воситачилик ҳамда кўтара, улгуржи ва чакана савдо сотиқ билан шуғулланиш;
- Ўзбекистон Республикасининг амалдаги қонунчилигига амал қилган ҳолда алоқалар, шунингдек экспорт - импорт ва воситачилик операцияларини амалга ошириш;
- аҳолига, ташкилотларга, муассасаларга ва корхоналарга турли усул ва шаклларда пуллик хизмат кўрсатиш;
- ташкилотнинг ишлаб чиқариш технологияси, унумдорлигини ошириши, илмий-техник потенциалининг қайтадан турли асбоб - усуқуналар билан таъминлаш ишларини ривожлантириш;
- ўзига тегишли хўжалик юритиши ҳамда ходимларини ошхона ёки эркин сотув орқали озиқ - овқат маҳсулотлари билан таъминлаш.

2.3. Асосий ишлаб чиқариш вазифаларидан ташқари, жамият, қўшимча фойда олиш мақсадида қонун ҳужжатларида таъқиқланмаган бошқа фаолият турлари билан шуғулланиш ҳуқуқига эга.

2.4. Махсус рухсатнома (лицензия) олишни талаб қиладиган фаолият турлари Ўзбекистон Республикасининг амалдаги қонунчилигида ўрнатилган тартибда, лицензия олингандан кейин амалга оширилади.

2.5. Ўз фаолиятини амалга ошириш учун ва жамият олдида турган масалаларни ҳал қилиш мақсадида, жамият қуйидаги ҳуқуқларга эга:

- барча юридик ва жисмоний шахслар, шунингдек чет эл мамлакатларининг фуқаролари ҳамда субъектлари билан ҳуқуқий алоқалар боғлаш;
- турли ташкилот ҳамда шахслардан нақд бўлмаган ҳисоб - китоб юритиш орқали зарур бўлган турли жихозларни ижарага ёки сотиб олиш;

- ўзининг хизматларини ҳамда ишлаб чиқарган маҳсулотларини мустақил равишда белгилаган баҳо ва таъриф бўйича ёки шартнома асосида сотиши мумкин;
- ўзига тегишли бўлган мол - мулкни мустақил равишда белгилаш;
- ўз ходимларига тўланадиган иш ҳақи миқдори ва шаклини мустақил равишда белгилаш;
- банк ва бошқа ташкилотларнинг кредитларидан фойдаланиши, пул ва бошқа воситаларни кредитга бериши мумкин;
- мол - хом ашё ва бошқа биржалар ишида иштирок этиш;
- молия ва қимматбаҳо қоғоз ишларини бажариш;
- аукционлар, кўргазмалар, лотореялар ташкил қилиши ва уларда иштирок этиши мумкин;
- қонун ҳужжатлари белгиланган тартибда ташқи иқтисодий алоқалар ўрнатиш;
- мутахассисларни малакасини ошириш ва уларни чет элларга хизмат сафарларига юбориш;
- қонун ҳужжатларига зид бўлмаган ҳолатда жамиятнинг ўз олдига қўйган мақсадларига жавоб бера оладиган бошқа турли ишларни олиб бориш.
- ўз номидан битимлар, шартномалар тузиш, мулкий ва ўз номулкий ҳуқуқларни сотиб олиш ва мажбуриятлар бўйича жавобгар бўлиш, Ўзбекистон Республикаси ҳудудида ва ундан ташқарида қонун ҳужжатлари билан белгиланган тартибда судда, хўжалик ва ҳакамлик судларида даъвогар ва жавобгар бўлиш;
- шартномалар асосида мутахассисларни жалб этиш, шу жумладан хорижий мутахассисларни ҳам;
- маҳсулот ва хизматларга бўлган талабдан келиб чиқиб, ўз фаолиятини мустақил режалаштириш, ривожланиш истиқболларини аниқлаш, ишлаб чиқариш ва ижтимоий ривожланишни таъминлаш ҳамда акциядорлар ва меҳнат жамоаси аъзоларининг шахсий даромадларини ошириш йўллари аниқлаш;
- Ўзбекистон Республикаси ичида ва ундан ташқарида филиаллар, ваколатхоналар, қўшма корхоналар, ишлаб чиқариш цехлари, участкалари ва бошқа янги корхоналар ташкил этиш ва таъсис этиш;
- ижарага бериш, техник воситаларга хизмат кўрсатиш, ускуналар лизинги пунктларини ташкил қилиш;
- Ўзбекистон Республикаси ҳудудида қонун ҳужжатларига асосан кўчар ва кўчмас мулкни ўз мулки сифатида сотиб олиш ва ижарага бериш;
- уюшмалар, иттифоқлар, консорциумлар, акциядорлик компаниялари ва жамиятларига ҳамда бошқа бирлашмаларга кириш;
- белгиланган тартибда банкларда ҳар қандай ҳисобларни, шу жумладан валюта ҳисобларини очиш, ссудалар ва банк кредитларини олиш, қонун ҳужжатларига мувофиқ равишда ҳар қандай шаклда маблағларни ўтказиш ва акцептлаш, қимматли қоғозларни чиқариш, сотиб олиш ва жойлаштириш;
- қишлоқ хўжалик маҳсулотларини ишлаб чиқариш ва сотиш;
- маҳсулотлар ва хизматларни сотиб олиш ва сотишда нақд пул билан ҳисоб-китоб қилиш;
- қонун ҳужжатларига мувофиқ, мустақил равишда ўз балансидан мол-мулкни, қарзларни, камомадни, бошқа исрофларни ўчириш;
- кўнгилочар, ижтимоий-маиший ва коммуникатив хизматлар кўрсатиш;

- семинарлар, конференциялар, кўргазма ва шоулар ташкил қилиш, ўтказиш ва уларда қатнашиш;
 - реклама-безаш фаолиятини амалга ошириш.
- 2.6.** Жамиятнинг мажбуриятлари қуйидагилардан иборат:
- ўз фаолиятини амалга оширишда Ўзбекистон Республикаси қонун ҳужжатлари ҳамда ушбу уставгага асосан иш юритади;
 - белгиланган тартибга амал қилган ҳолда оператив, бухгалтерлик ва статистик ҳисобот юритиш;
 - маҳаллий ҳокимият органлари белгилаган тартиб ва шароитларда ўз фаолияти ҳақида ҳисобот тақдим этиш;
 - санитария нормалари ва техника хавфсизлиги қоидаларига риоя қилган ҳолда иш олиб бориш.
- 2.7.** Жамият қабул қилинган мажбуриятларни бажариши, меҳнат интизомини мустаҳкамлаши, ўз ходимларининг шароитларини юксак даражага кўтариш бўйича жавобгардир.

3. ЖАМИЯТ УСТАВ ФОНДИНИНГ (УСТАВ КАПИТАЛИНИНГ) МИҚДОРИ.

- 3.1.** Жамиятнинг устав фонди (*устав капитали*) акциядорлар олган жамият акцияларининг номинал қийматидан ташкил топади ва Ўзбекистон Республикасининг миллий валютасида ифодаланади. Жамият томонидан чиқариладиган барча акцияларнинг номинал қиймати бир хил бўлиши керак.
- 3.2.** Жамиятнинг устав фонди (*устав капитали*) жамият мол-мулкининг жамият кредиторлари манфаатларини кафолатлайдиган энг кам миқдорини белгилайди.
- 3.3.** Жамиятнинг устав фонди (*устав капитали*) миқдори 639 863 250 (*олти юз ўттиз тўққиз миллион саккиз юз олти миш уч минг икки юз эллик*) сўмни ташкил қилади, ҳамда номинал қиймати 250 (*икки юз эллик*) сўм бўлган 2 557 377 (*икки миллион беш юз эллик етти минг уч юз етмиш етти*) дона оддий ва 2 076 (*икки минг етмиш олти*) дона имтиёзли эгасининг номи ёзилган ҳужжатсиз шаклдаги акцияларга бўлинган.

4. ЖАМИЯТНИНГ УСТАВ ФОНДИНИ (УСТАВ КАПИТАЛИНИ) КЎПАЙТИРИШ.

- 4.1.** Жамиятнинг устав фонди (*устав капитали*) кўшимча акцияларни жойлаштириш йўли билан кўпайтирилиши мумкин.
- 4.2.** Кўшимча акциялар фақат жамият уставида белгиланган, эълон қилинган акцияларнинг сони доирасида жамият томонидан жойлаштирилиши мумкин.
- 4.3.** Жамиятнинг устав фондиди (*устав капиталини*) кўпайтириш тўғрисидаги ва жамият уставига тегишли ўзгартишлар киритиш ҳақидаги қарорлар жамиятнинг кузатув кенгаши томонидан қабул қилинади.
- 4.4.** Жамиятнинг устав фондиди (*устав капиталини*) кўпайтириш тўғрисидаги қарорда жойлаштириладиган кўшимча оддий акцияларнинг ва имтиёзли акцияларнинг сони, уларни жойлаштириш муддатлари ҳамда шартлари белгиланган бўлиши керак.
- 4.5.** Жамиятнинг устав фондиди (*устав капиталини*) кўпайтириш жойлаштирилган кўшимча акцияларнинг номинал қиймати миқдорида рўйхатдан ўтказилади. Бунда ушбу уставда кўрсатилган, эълон қилинган муайян турдаги акцияларнинг сони ушбу турдаги жойлаштирилган кўшимча акцияларнинг сонига камайтирилиши керак.

4.6. Жамиятнинг тегишли бошқарув органи томонидан қабул қилинган кўшимча акцияларни чиқариш ҳақидаги қарор жамиятнинг устав фондини (устав капитални) кўпайтириш тўғрисидаги қарордир.

4.7. Жамиятнинг устав фондини (устав капитални) кўпайтириш жалб қилинган инвестициялар, жамиятнинг ўз капитални ва ҳисобланган дивидендлар ҳисобидан қонун ҳужжатларида белгиланган тартибда амалга оширилиши мумкин.

4.8. Жамиятнинг устав фондини (устав капитални) унинг ўз капитални ҳисобидан кўпайтиришда кўшимча акциялар барча акциядорлар ўртасида тақсимланади. Бунда ҳар бир акциядорга қайси турдаги акциялар тегишли бўлса, айти ўша турдаги акциялар унга тегишли акциялар сонига мутаносиб равишда тақсимланади. Жамиятнинг устав фонди (устав капитални) кўпайтирилиши натижасида кўпайтириш суммасининг битта акциянинг номинал қийматига мувофиқлиги таъминланмайдиган бўлса, жамиятнинг устав фондини (устав капитални) кўпайтиришга йўл қўйилмайди.

5. ЖАМИЯТНИНГ УСТАВ ФОНДИНИ (УСТАВ КАПИТАЛИНИ) КАМАЙТИРИШ.

5.1. Жамиятнинг устав фонди (устав капитални) акцияларнинг номинал қийматини камайтириш ёки акцияларнинг умумий сонини қисқартириш йўли билан, шу жумладан акцияларнинг бир қисмини кейинчалик бекор қилган ҳолда жамият томонидан акцияларни олиш йўли билан камайтирилиши мумкин.

5.2. Жамиятнинг устав фондини (устав капитални) акцияларнинг бир қисмини олиш ва бекор қилиш йўли билан камайтириш акциядорлар умумий йиғилишининг қарорига кўра амалга оширилади.

5.3. Жамият устав фондини (*устав капитални*) камайтиришга, агар бунинг натижасида унинг миқдори жамият устав фондининг (*устав капиталининг*) жамият уставидеги тегишли ўзгартишларни давлат рўйхатидан ўтказиш санасида аниқланмайдиган, Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуннинг 17-моддасида белгиланган энг кам миқдоридан камайиб кетса, ҳақли эмас.

5.4. Жамиятнинг устав фондини (устав капитални) камайтириш тўғрисидаги ва жамият уставига тегишли ўзгартишлар киритиш ҳақидаги қарорлар акциядорларнинг умумий йиғилиши томонидан қабул қилинади.

5.5. Жамиятнинг устав фондини (устав капитални) камайтириш тўғрисида қарор қабул қилинаётганда акциядорларнинг умумий йиғилиши устав фондини (устав капитални) камайтириш сабабларини кўрсатади ва уни камайтириш тартибини белгилайди.

6. ЖАМИЯТНИНГ ЖОЙЛАШТИРИЛГАН ВА ЭЪЛОН ҚИЛИНГАН АКЦИЯЛАРИ.

6.1. Жамият 2 557 377 (*икки миллион беш юз эллик етти минг уч юз етмиш етти*) дона оддий ва 2 076 (*икки минг етмиш олти*) дона имтиёзли эгасининг номи ёзилган ҳужжатсиз шаклдаги акциялар чиқарган ва жойлаштирган.

6.2. Жамият қонун ҳужжатларига ва ўз уставига мувофиқ корпоратив облигацияларни ва бошқа қимматли қоғозларни чиқаришга ҳамда жойлаштиришга ҳақли.

6.3. Жамият жойлаштирган акцияларга кўшимча равишда номинал қиймати 250 сўм бўлган 2 557 377 дона оддий ва 2 076 дона имтиёзли эгасининг номи ёзилган ҳужжатсиз шаклдаги акциялар жойлаштириш мумкин бўлган эълон қилинган акциялардан иборат.

- 6.4.** Жамият акцияларининг номинал қиймати 250 (*икки юз эллик*) сўмдан иборат.
- 6.5.** Жамият ўзи жойлаштирган қимматли қоғозлар айирбошланиши мумкин бўлган акциялар берадиган ҳуқуқларни чеклаш ҳақида ушбу қимматли қоғозлар эгаларининг розилигисиз қарор қабул қилишга ҳақли эмас.
- 6.6.** Жамиятнинг акцияларини ва бошқа қимматли қоғозларини жойлаштириш чоғида уларга ҳақ тўлаш пул ва бошқа тўлов воситалари, мол-мулк, шунингдек пулда ифодаланадиган баҳога эга бўлган ҳуқуқлар (шу жумладан мулкӣ ҳуқуқлар) орқали амалга оширилади.
- 6.7.** Жамият томонидан акцияларни ва акцияларга айирбошланадиган, ҳақи пул маблағлари билан тўланадиган эмиссиявий қимматли қоғозларни жойлаштиришда овоз берувчи акцияларнинг эгалари бўлган акциядорлар ўзига тегишли шу турдаги акциялар миқдорига мутаносиб миқдорда уларни имтиёзли олиш ҳуқуқига эга.

7. ЖАМИЯТНИНГ ФОНДЛАРИ.

- 7.1.** Жамиятнинг соф фойдаси ҳисобидан:
- захира фонди;
 - акциядорларнинг умумий йиғилишида аниқланадиган, жамият фаолияти учун зарур бўлган бошқа фондлар ташкил этилади.
- 7.2.** Жамиятда жамият устав фондининг (*устав капиталининг*) ўн беш фоизидан кам бўлмаган миқдорда захира фонди ташкил этади.
- 7.3.** Жамиятнинг захира фонди ушбу уставнинг 7.2. бандида белгиланган миқдорга етгунига қадар соф фойдадан ҳар йилги мажбурий ажратмалар орқали шакллантирилади. Ҳар йилги ажратмаларнинг миқдори ушбу уставнинг 7.2. бандида белгиланган миқдорга етгунига қадар соф фойданинг беш фоизидан кам бўлмаслиги керак.
- 7.4.** Бошқа маблағлар мавжуд бўлмаган тақдирда, жамиятнинг захира фонди жамиятнинг зарарлари ўрнини қоплаш, жамиятнинг корпоратив облигацияларини муомаладан чиқариш, имтиёзли акциялар бўйича дивидендлар тўлаш ва жамиятнинг акцияларини қайтариб сотиб олиш учун мўлжалланади.
- 7.5.** Агар захира фонди тўлалигича ёки қисман сарфланса, мажбурий ажратмалар орқали тикланади.
- 7.6.** Жамиятнинг захира фондидан бошқа мақсадлар учун фойдаланиш мумкин эмас.

8. АКЦИЯДОРЛАРНИНГ ҲУҚУҚЛАРИ ВА МАЖБУРИЯТЛАРИ.

- 8.1.** Жамият акциядорлари қуйидаги ҳуқуқларга эга:
- тегишли жамият акциядорларининг реестрига киритилиш;
 - депозитарийдаги депо ҳисобварағидан ўзига тааллуқли кўчирма олиш;
 - жамият фойдасининг бир қисмини дивидендлар тарзида олиш;
 - жамият тугатилган тақдирда ўзларига тегишли улусга мувофиқ мол-мулкнинг бир қисмини олиш;
 - акциядорларнинг умумий йиғилишларида овоз бериш орқали жамиятни бошқаришда иштирок этиш;
 - жамиятнинг молия-хўжалик фаолияти натижалари тўғрисида тўлиқ ва ишончли ахборотни белгиланган тартибда олиш;
 - олган дивидендини эркин тасарруф этиш;
 - қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;

- ўзига етказилган зарарнинг ўрни қопланишини белгиланган тартибда талаб қилиш;
- ўз манфаатларини ифодалаш ва ҳимоя қилиш мақсадида уюшмаларга ва бошқа нодавлат нотижорат ташкилотларига бирлашиш;
- қимматли қоғозларни олишда зарар кўриш, шу жумладан бой берилган фойда эҳтимоли билан боғлиқ таваккалчиликларни суғурта қилиш ҳуқуқига эга.

8.2. Акциядорлар қонун ҳужжатларига ва жамият уставига мувофиқ бошқа ҳуқуқларга ҳам эга бўлиши мумкин.

8.3. Акциядор томонидан ҳуқуқларнинг амалга оширилиши бошқа акциядорларнинг ҳуқуқлари ва қонун билан кўриқланадиган манфаатларини бузмаслиги лозим.

8.4. Акцияларни бошқа шахсга беришга доир чеклов белгиланиши акциядорни - мазкур акциялар эгасини «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонунда белгиланган тартибда жамиятни бошқаришда иштирок этиш ва улар бўйича дивидендлар олиш ҳуқуқидан маҳрум қилмайди.

8.5. Акциядорлар, шу жумладан, миноритар акциядорлар овоз беришда уларнинг биргаликдаги позициясини шакллантириш учун акциядорлик битимини тузиш мумкин.

8.6. Жамиятнинг миноритар акциядор (акциядорлари) ҳужжатларни асоссиз равишда талаб қилиш ва махфий ахборотлар, тижорат сирларини қўллаш йўли билан жамият ижроия органи фаолиятига тўсқинлик қилмаслиги лозим.

8.7. Оддий акцияларнинг эгалари бўлган акциядорлар «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонунга ва ушбу уставга мувофиқ акциядорларнинг умумий йиғилишида мазкур йиғилиш ваколатига кирадиган барча масалалар бўйича овоз бериш ҳуқуқи билан иштирок этиши мумкин, шунингдек дивидендлар олиш, жамият тугатилган тақдирда эса, ўзларига тегишли улушга мувофиқ жамият мол-мулкнинг бир қисмини олиш ҳуқуқига эга.

8.8. Жамиятнинг имтиёзли акциялари уларнинг эгалари бўлган акциядорларга бир хил ҳажмда ҳуқуқлар беради ва оддий акциялар билан бир хил номинал қийматга эга бўлади.

8.9. Жамият тугатилаётганда имтиёзли акциялар бўйича тўланадиган қиймат (тугатилиш қиймати) жамият акциялари номинал қийматининг 100 фоиз миқдорига эга.

8.10. Жамиятнинг оддий акциялари бўйича тўланаётган дивиденд миқдори имтиёзли акциялари бўйича тўланаётган дивиденд миқдорига нисбатан кўп бўлса, имтиёзли акцияларнинг эгалари бўлган акциядорларга оддий акциялари бўйича тўланаётган дивиденд миқдоригача дивидендлар тўланиши мумкин.

8.11. Жамиятнинг имтиёзли акциялари оддий акцияларга айирбошлаш мумкин. Имтиёзли акцияларнинг оддий акцияларга айирбошланиши имконияти ва шартлари ички ҳужжатларда (Жамият имтиёзли акцияларини оддий акцияларга айирбошлаш тўғрисидаги Низом ёки тартиб) белгиланади.

8.12. Имтиёзли акцияларнинг эгалари бўлган акциядорлар акциядорларнинг умумий йиғилишида жамиятни қайта ташкил этиш ва тугатиш тўғрисидаги масалалар ҳал этилаётганда овоз бериш ҳуқуқи билан иштирок этади. Имтиёзли акцияларнинг эгалари бўлган акциядорлар акциядорларнинг умумий йиғилишида жамият уставига имтиёзли акцияларнинг эгалари бўлган акциядорларнинг ҳуқуқларини чеклайдиган ўзгартиш ва қўшимчалар киритиш тўғрисидаги масалалар, шу жумладан аввалги навбатдаги имтиёзли акциялар бўйича тўланадиган дивиденднинг миқдорини белгилаш ёки кўпайтириш ва (ёки) тугатилиш қийматини белгилаш ёки кўпайтириш масалалари, шунингдек имтиёзли акцияларнинг эгалари бўлган акциядорларга дивиденд ва (ёки) бу акцияларнинг

тугатилиш қийматини тўлаш навбати бўйича имтиёзлар бериш ҳоллари ҳал этилаётганда овоз бериш ҳуқуқини олади.

8.13. Имтиёзли акцияларнинг эгалари бўлган акциядорлар акциядорларнинг умумий йиғилиши ваколат доирасига кирадиган масалалар бўйича овоз бериш ҳуқуқи билан акциядорларнинг умумий йиғилишида иштирок этиш ҳуқуқига имтиёзли акциялар бўйича дивидендлар тўлаш тўғрисида қарор қабул қилинмаган ёки дивидендларни тўлиқ тўламаслик тўғрисида қарор қабул қилинган акциядорларнинг йиллик умумий йиғилишидан кейинги йиғилишдан бошлаб эга бўлади. Имтиёзли акцияларнинг эгалари бўлган акциядорларнинг акциядорлар умумий йиғилишида иштирок этиш ҳуқуқи мазкур акциялар бўйича дивидендлар биринчи марта тўлиқ миқдорда тўланган пайтдан эътиборан бекор қилинади.

8.14. Акциядор ўз акцияларига бўлган ҳуқуқларини ҳисобга олиш бўйича хизматлар кўрсатувчи депозитарийни ўзига оид маълумотлардаги ўзгаришлар ҳақида ўз вақтида хабардор қилиши шарт.

9. ДИВИДЕНДЛАРНИ ТЎЛАШ.

9.1. Дивиденд жамият соф фойдасининг акциядорлар ўртасида тақсимланадиган қисмидир.

9.2. Жамият акцияларнинг ҳар бир тури бўйича эълон қилинган дивидендларни тўлаши шарт.

9.3. Дивиденд акциядорларнинг умумий йиғилиши қарорига кўра пул маблағлари ёки бошқа қонуний тўлов воситалари ёхуд жамиятнинг қимматли қоғозлари билан тўланиши мумкин.

9.4. Жамиятнинг имтиёзли акциялари бўйича дивидендларни қимматли қоғозлар билан тўлашга йўл қўйилмайди.

9.5. Дивиденд акциядорлар ўртасида уларга тегишли акцияларнинг сони ва турига мутаносиб равишда тақсимланади.

9.6. Жамият молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра, жойлаштирилган акциялар бўйича дивидендлар тўлаш тўғрисида қарор қабул қилишга ҳақли.

9.7. Жамиятнинг молиявий йилнинг биринчи чораги, ярим йиллиги ва тўққиз ойи натижаларига кўра дивидендлар тўлаш тўғрисидаги қарори тегишли давр тугагандан кейин уч ой ичида қабул қилиниши мумкин.

9.8. Акцияларнинг ҳар бир тури бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор жамият кузатув кенгашининг тавсияси, молиявий ҳисоботнинг ишончлилиги ҳақида аудиторлик хулосаси мавжуд бўлган тақдирда, молиявий ҳисобот маълумотлари асосида акциядорларнинг умумий йиғилиши томонидан қабул қилинади. Дивидендларнинг миқдори жамият кузатув кенгаши томонидан тавсия этилган миқдордан кўп бўлиши мумкин эмас. Акциядорларнинг умумий йиғилиши акцияларнинг муайян турлари бўйича дивидендлар тўламаслик тўғрисида, ушбу уставда дивиденд миқдори белгилаб қўйилган имтиёзли акциялар бўйича тўлиқ бўлмаган миқдорда дивидендлар тўлаш ҳақида қарор қабул қилишга ҳақли.

9.9. Дивидендлар тўлаш тўғрисидаги қарорда дивидендлар тўлаш бошланадиган ва тугалланадиган саналар кўрсатилган бўлиши лозим.

9.10. Дивидендлар жамиятнинг жамият тасарруфида қоладиган соф фойдасидан ва (ёки) ўтган йилларнинг тақсимланмаган фойдасидан тўланади. Имтиёзли акциялар бўйича

дивидендлар жамиятнинг бунинг учун махсус мўлжалланган фондлари ҳисобидан ҳам тўланиши мумкин.

9.11. Жамият томонидан оддий акциялар бўйича ҳисобланган дивидендларни тўлаш акциядорларнинг дивидендларни олишга бўлган тенг ҳуқуқларига риоя этилган ҳолда амалга оширилади.

9.12. Дивидендларни тўлаш муддати ва тартиби акциядорларнинг умумий йиғилиши қарорида белгиланади. Дивидендларни тўлаш муддати шундай қарор қабул қилинган кундан эътиборан олтимиш кундан кеч бўлмаслиги лозим.

9.13. Эгаси ёки эгасининг қонуний ҳуқуқий вориси ёхуд меросхўри томонидан уч йил ичида талаб қилиб олинмаган дивиденд акциядорларнинг умумий йиғилиши қарорига кўра жамият ихтиёрида қолади.

9.14. Жамият Ўзбекистон Республикаси норезидент акциядорининг ёзма талабига кўра унга ҳисобланган дивидендларни эркин айирбошладиган валютага айирбошлаб, маблағларни норезидент акциядор тақдим этган банк ҳисобварағига ўтказиб бериши шарт.

9.15. Жамият акциядорларининг реестридан олинган, жамият томонидан тасдиқланган кўчирма ҳамда жамият бухгалтериясининг ҳисобланган дивидендлар суммаси ва улар ҳисобланган сана тўғрисидаги маълумотномаси айирбошлаш учун асос бўлиб хизмат қилади.

9.16. Акциядорларга дивидендларни тўлаш тўғрисида қарор қабул қилинган акциядорларнинг умумий йиғилишини ўтказиш учун шакллантирилган жамият акциядорларининг реестрида қайд этилган шахслар акциялар бўйича дивиденд олиш ҳуқуқига эга.

9.17. Дивидендлар акциядорларнинг умумий йиғилиши томонидан белгиланган муддатларда жамиятнинг айби билан тўланмаган (олинмаган) тақдирда тўланмаган (олинмаган) дивидендлар бўйича Ўзбекистон Республикаси Марказий банки томонидан белгиланган қайта молиялаштириш ставкаларидан келиб чиққан ҳолда пеня ҳисобланади. Тўланмаган (олинмаган) дивидендлар бўйича ҳисобланадиган пенялар миқдори тўланмаган (олинмаган) дивидендлар миқдорининг 50 фоизидан ортиқ бўлмаслиги керак.

9.18. Акциядор жамият томонидан ҳисобланган дивидендлар ва пенялар тўланишини суд тартибида талаб қилишга ҳақли. Акциядорнинг талаблари суд томонидан қаноатлантирилганда дивидендлар жамият томонидан тўланмаган тақдирда, жамиятга нисбатан қонун ҳужжатларида белгиланган тартибда тўловга қобилиятсизликни бартараф этиш ёки банкрот деб эълон қилиш тартиб-таомили қўлланилади.

9.19. Жамият:

- жамият устав фондининг (устав капиталининг) ҳаммаси унинг таъсис этилиши чоғида тўлиқ тўлаб бўлингунига қадар;
- агар дивидендлар тўланадиган пайтда жамиятда банкротлик белгилари мавжуд бўлса ёки жамиятда шундай белгилар дивидендларни тўлаш натижасида пайдо бўлса;
- агар жамият соф активларининг қиймати унинг устав фонди (устав капитали) ва захира фонди суммасидан кам бўлса, акциялар бўйича дивидендлар тўлаш тўғрисида қарор қабул қилишга ҳамда дивидендлар тўлашга ҳақли эмас.

9.20. Ушбу уставнинг 9.19. бандида кўрсатилган ҳолатлар тугатилгач, жамият ҳисобланган дивидендларни акциядорларга тўлаши шарт.

9.21. Жамият дивидендларнинг миқдорини улардан ундириладиган солиқларни инobatга олмаган ҳолда эълон қилади. Жамият тўланадиган дивидендлар миқдори тўғрисидаги маълумотларни қимматли қоғозлар бозорини тартибга солиш бўйича ваколатли давлат

органининг ва жамиятнинг расмий веб-сайтларида қонун ҳужжатларида белгиланган муддатларда эълон қилади.

9.22. Дивидендларга солиқ солиш солиқ тўғрисидаги қонун ҳужжатларига мувофиқ амалга оширилади ва бунда солиқ солиш бўйича имтиёзлар белгиланиши мумкин.

9.23. Дивидендларни тўлаш чоғида биринчи навбатда имтиёзли акциялар бўйича, сўнгра оддий акциялар бўйича дивидендлар тўланади. Имтиёзли акциялар бўйича қатъий белгиланган дивидендларни тўлаш учун етарли миқдорда фойда мавжуд бўлган тақдирда жамият мазкур акцияларнинг эгаларига дивидендлар тўлашни рад этишга ҳақли эмас.

9.24. Жамиятнинг имтиёзли акциялари эгалари бўлган акциядорлар, жамиятнинг фойдасига боғлиқ бўлмаган ҳолда жамият акциялари номинал қийматининг 20 фоиз миқдорида дивиденд олиш ҳуқуқига эга.

9.25. Жамиятнинг оддий акциялари бўйича тўланаётган дивиденд миқдори имтиёзли акциялари бўйича тўланаётган дивиденд миқдорига нисбатан кўп бўлса, имтиёзли акцияларнинг эгалари бўлган акциядорларга оддий акциялари бўйича тўланаётган дивиденд миқдоригача дивиденд тўланиши мумкин.

10. ЖАМИЯТ БОШҚАРУВИНИНГ ТУЗИЛМАСИ.

10.1. Акциядорларнинг умумий йиғилиши, кузатув кенгаши ва ижроия органи жамиятнинг бошқарув органларидир.

11. АКЦИЯДОРЛАРНИНГ УМУМИЙ ЙИҒИЛИШИ.

11.1. Акциядорларнинг умумий йиғилиши жамиятнинг юқори бошқарув органидир.

11.2. Акциядорларнинг умумий йиғилишини жамият кузатув кенгашининг раиси, у узрли сабабларга кўра бўлмаган тақдирда эса, жамият кузатув кенгашининг аъзоларидан бири олиб боради.

11.3. Жамият ҳар йили акциядорларнинг умумий йиғилишини (акциядорларнинг йиллик умумий йиғилишини) ўтказиши шарт.

11.4. Акциядорларнинг йиллик умумий йиғилиши молия йили тугаганидан кейин олти ойдан кечиктирмай ўтказилади. Акциядорларнинг йиллик умумий йиғилишида жамиятнинг кузатув кенгашини ва тафтиш комиссиясини (тафтишчисини) сайлаш тўғрисидаги, ижроия органининг (бундан буён матнда бошқарув деб юритилади) аъзолари, ишончли бошқарувчи билан тузилган шартноманинг муддатини узайтириш (агарда ишончли бошқарувчи билан шарнома тузилган бўлса), уни қайта тузиш ёки бекор қилиш мумкинлиги ҳақидаги масалалар ҳал этилади, шунингдек ушбу уставнинг 11.6.10. ва 11.6.11. кичик бандларига мувофиқ жамиятнинг йиллик ҳисоботи жамият ижроия органи ва кузатув кенгашининг жамиятни ривожлантириш стратегиясига эришиш бўйича кўрилаётган чора-тадбирлар тўғрисидаги ҳисоботлари ва бошқа ҳужжатлари кўриб чиқилади.

11.5. Акциядорларнинг йиллик умумий йиғилишидан ташқари ўтказиладиган умумий йиғилишлари навбатдан ташқари йиғилишлардир.

11.6. Акциядорлар умумий йиғилишининг ваколат доирасига қуйидагилар киради:

11.6.1. жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш (жамият уставига жамиятнинг устав фондини (устав капиталини) кўпайтириш ҳамда жамиятнинг эълон қилинган акциялари сонини камайитириш билан боғлиқ ўзгартиш ва қўшимчалар киритиш бундан мустасно);

11.6.2. жамиятни қайта ташкил этиш;

- 11.6.3.** жамиятни тугатиш, тугатувчини (тугатиш комиссиясини) тайинлаш ҳамда оралиқ ва якуний тугатиш балансларини тасдиқлаш;
- 11.6.4.** жамият кузатув кенгашининг ва миноритар акциядорлар қўмитасининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;
- 11.6.5.** эълон қилинган акцияларнинг энг кўп миқдорини белгилаш;
- 11.6.6.** жамиятнинг устав фондиди (устав капиталини) камайтириш;
- 11.6.7.** ўз акцияларини олиш;
- 11.6.8.** жамиятнинг ташкилий тузилмасини тасдиқлаш, ижроия органини тузиш, жамиятнинг бошқарув аъзоларини сайлаш (тайинлаш) ва уларнинг ваколатларини муддатидан илгари тугатиш;
- 11.6.9.** жамият тафтишчисини сайлаш ва уларнинг ваколатларини муддатидан илгари тугатиш, шунингдек тафтишчи тўғрисидаги низомни тасдиқлаш;
- 11.6.10.** жамиятнинг йиллик ҳисоботини ва жамият фаолиятининг асосий йўналишлари ва мақсадидан келиб чиққан ҳолда жамиятни ўрта муддатга ва узоқ муддатга ривожлантиришнинг аниқ муддатлари белгиланган стратегиясини тасдиқлаш;
- 11.6.11.** жамиятнинг фойдаси ва зарарларини тақсимлаш;
- 11.6.12.** жамият кузатув кенгашининг ва тафтишчисининг ўз ваколат доирасига кирадиган масалалар юзасидан, шу жумладан жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатув кенгашининг ҳисоботларини ва тафтишчисининг хулосаларини эшитиш;
- 11.6.13.** имтиёзли ҳуқуқни қўлламаслик тўғрисида Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуннинг 35-моддасида назарда тутилган қарорни қабул қилиш;
- 11.6.14.** акциядорлар умумий йиғилишининг регламентини тасдиқлаш;
- 11.6.15.** акцияларни майдалаш ва йириклаштириш;
- 11.6.16.** жамиятнинг ижроия органига тўланадиган ҳақ ва (ёки) компенсацияларни, шунингдек уларнинг энг юқори миқдорларини белгилаш;
- 11.6.17.** Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуннинг 8 бобига асосан баланс қиймати ёки олиш қиймати битим тузиш тўғрисида қарор қабул қилинаётган санада жамият соф активлари миқдорининг эллик фоизидан ортиғини ташкил этувчи мол-мулк хусусида йирик битим тузиш тўғрисида қарор қабул қилиш;
- 11.6.18.** Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуннинг 9-бобига асосан жамиятнинг аффилиланган шахси билан битим тузиш тўғрисида қарор қабул қилиш;
- 11.6.19.** жамиятнинг жорий хўжалик фаолияти билан боғлиқ битимларни белгилаш;
- 11.6.20.** ҳомийлик (хайрия) ёки беғараз ёрдам кўрсатиш (олиш) тартиби ва шартларини белгилаш;
- 11.6.21.** жамиятнинг бизнес – жараёнлари ва лойиҳаларининг жамият ривожланиш мақсадларига мувофиқлиги юзасидан мустақил профессионал ташкилотлар – маслаҳатчиларни жалб қилган ҳолда таҳлил ўтказиш;
- 11.6.22.** қонун ҳужжатларига мувофиқ бошқа масалаларни ҳал этиш.
- 11.7.** Акциядорлар умумий йиғилишининг ваколат доирасига киритилган масалалар жамиятнинг ижроия органи ҳал қилиши учун берилиши мумкин эмас.

11.8. Акциядорлар умумий йиғилишининг ваколат доирасига киритилган масалалар жамиятнинг кузатув кенгаши ҳал қилиши учун берилиши мумкин эмас.

11.9. Акциядорларнинг умумий йиғилишида овозга қўйилган масалалар бўйича куйидагилар овоз бериш ҳуқуқига эга бўлади:

- жамиятнинг оддий акциялари эгалари бўлган акциядорлар;
- ушбу уставда назарда тутилган ҳолларда жамиятнинг имтиёзли акциялари эгалари бўлган акциядорлар.

11.10. Овозга қўйилган масала бўйича акциядорлар умумий йиғилишининг қарори, агар ушбу уставда бошқача қоида белгиланмаган бўлса, жамиятнинг овоз берувчи акциялари эгалари бўлган, йиғилишда иштирок этаётган акциядорларнинг кўпчилик (оддий кўпчилик) овози билан қабул қилинади.

11.11. Акциядорларнинг умумий йиғилишида овозга қўйилган, ҳал қилиш чоғида жамиятнинг оддий ва имтиёзли акциялари эгалари бўлган акциядорлар овоз бериш ҳуқуқига эга бўладиган масала юзасидан овозларни санаб чиқиш овоз берувчи акцияларнинг барчаси бўйича биргаликда амалга оширилади.

11.12. Ушбу уставнинг 11.6.1., 11.6.2., 11.6.3., 11.6.5., 11.6.12., 11.6.17. ва 11.6.18. кичик бандларида кўрсатилган масалалар бўйича қарор акциядорлар умумий йиғилиши томонидан акциядорларнинг умумий йиғилишида иштирок этаётган овоз берувчи акцияларнинг эгалари бўлган акциядорларнинг тўртдан уч қисмидан иборат кўпчилик (малакали кўпчилик) овози билан қабул қилинади.

11.13. Жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш масаласи бўйича қарорлар акциядорлар умумий йиғилиши томонидан жамият кузатув кенгашининг тавсияси асосида қабул қилинади.

11.14. Солиққа оид ёки давлат олдидаги бошқа қарздорлик ҳисобига жамият устав фондидаги (устав капиталидаги) давлат улушини шакллантириш ёки ошириш тўғрисидаги қарор жамият акциядорлари умумий йиғилиши томонидан жамиятнинг жойлаштирилган овоз берувчи акцияларининг камида учдан икки қисми эгалари бўлган акциядорларнинг (давлатдан ташқари) розилиги мавжуд бўлган тақдирда, акциядорларнинг оддий кўпчилик овози билан қабул қилинади.

11.15. Акциядорларнинг умумий йиғилишини олиб бориш тартиби бўйича акциядорлар умумий йиғилиши томонидан қарор қабул қилиш тартиби жамиятнинг акциядорлар умумий йиғилиши қарори билан тасдиқланган акциядорларнинг умумий йиғилиши тўғрисидаги низомда белгилаб қўйилади.

11.16. Акциядорларнинг умумий йиғилиши кун тартибига киритилмаган масалалар бўйича қарор қабул қилишга, шунингдек кун тартибига ўзгартишлар киритишга ҳақли эмас.

11.17. Акциядорларнинг умумий йиғилиши томонидан қабул қилинган қарорлар, қабул қилинган санадан эътиборан ўттиз кундан кечиктирмай акциядорлар эътиборига етказилади.

11.18. Акциядорларнинг умумий йиғилиши томонидан давлат вакилининг иштирокисиз қабул қилинган қарорлар, шунингдек қонун ҳужжатларида белгиланган тартибда вето қўйилган қарорлар ижро этилмайди.

11.19. Агар акциядор узрли сабабга кўра акциядорларнинг умумий йиғилишида иштирок этмаган ёки бундай қарор қабул қилинишига қарши овоз берган бўлса, у акциядорларнинг умумий йиғилиши томонидан қабул қилинган қарор устидан судга шикоят қилишга ҳақлидир.

11.20. Акциядорларнинг умумий йиғилишида иштирок этиш ҳуқуқига акциядорларнинг умумий йиғилиши ўтказиладиган санадан уч иш куни олдин шакллантирилган жамият акциядорларининг реестрида қайд этилган акциядорлар эга бўлади.

11.21. Жамият акциядорнинг талабига кўра акциядорга у акциядорларнинг умумий йиғилишини ўтказиш учун шакллантирилган жамият акциядорларининг реестрига киритилганлиги тўғрисида ахборот тақдим этиши шарт.

11.22. Акциядорларнинг умумий йиғилишини ўтказиш тўғрисидаги хабар акциядорларнинг умумий йиғилиши ўтказиладиган санадан камида етти кундан кечиктирмай, лекин узоғи билан ўттиз кун олдин жамиятнинг расмий веб-сайтида, оммавий ахборот воситаларида эълон қилинади, шунингдек акциядорларга электрон почта орқали юборилади.

11.23. Жамият овоз берувчи акцияларининг ҳаммаси бўлиб камида бир фоизига эгаллик қилувчи акциядорлар (акциядор) акциядорлар умумий йиғилиши кун тартиби, фойдани тақсимлаш, бошқарув аъзолигига уларнинг номзодини (акциядорлар умумий йиғилиши ўтказилгунга қадар алмаштириш имконияти билан) кўрсатиш юзасидан таклиф киритиш ҳуқуқига эга.

11.24. Жамият овоз берувчи акцияларининг ҳаммаси бўлиб камида бир фоизига эгаллик қилувчи акциядорлар (акциядор) жамиятнинг молия йили тугаганидан кейин олти кундан кечиктирмай акциядорларнинг йиллик умумий йиғилиши кун тартибига масалалар киритишга ҳамда жамият кузатув кенгаши ва тафтишчилигига бу органнинг микдор таркибидан ошмайдиган тарзда номзодлар кўрсатишга ҳақли.

11.25. Акциядорлар (акциядор) жамият кузатув кенгаши ва тафтишчилигига ўзлари кўрсатган номзодлар рўйхатига акциядорларнинг йиллик умумий йиғилиши ўтказилиши тўғрисидаги хабар эълон қилинган санадан эътиборан уч иш кунидан кечиктирмай ўзгартишлар киритишга ҳақли.

11.26. Акциядорлар умумий йиғилишининг кун тартибига масала уни қўйиш сабаблари, масалани киритаётган акциядорларнинг (акциядорнинг) исми-шарифи (номи), уларга тегишли акцияларнинг сони ва тури кўрсатилган ҳолда ёзма шаклда киритилади.

11.27. Жамият кузатув кенгашига ва тафтишчилигига номзодлар кўрсатиш тўғрисида таклифлар киритилганда, шу жумладан ўзини ўзи номзод қилиб кўрсатилган тақдирда номзоднинг исми-шарифи, унга тегишли акцияларнинг сони ва тури (агар номзод жамият акциядори бўлса), шунингдек номзодни кўрсатаётган акциядорларнинг исми-шарифи (номи), уларга тегишли акцияларнинг сони ва тури кўрсатилади.

11.28. Жамиятнинг кузатув кенгаши тушган таклифларни кўриб чиқиши ҳамда ушбу уставнинг 11.24. ва 11.25. бандларида белгиланган муддат тугаганидан сўнг ўн кундан кечиктирмай уларни акциядорларнинг умумий йиғилиши кун тартибига киритиш тўғрисида ёки мазкур кун тартибига киритишни рад этиш ҳақида қарор қабул қилиши шарт. Акциядорлар (акциядор) томонидан киритилган масала акциядорлар умумий йиғилишининг кун тартибига, худди шунингдек кўрсатилган номзодлар жамиятнинг кузатув кенгашига ва тафтишчилигига сайлов бўйича овоз бериш учун номзодлар рўйхатига киритилиши керак, қуйидаги ҳоллар бундан мустасно:

- ушбу уставнинг 11.24. бандида белгиланган муддатга акциядорлар (акциядор) томонидан риоя этилмаган бўлса;
- акциядорлар (акциядор) жамиятнинг, ушбу уставнинг 11.24. бандида назарда тутилган микдордаги овоз берувчи акцияларининг эгаси бўлмаса;
- ушбу уставнинг 11.26. бандида назарда тутилган маълумотлар тўлиқ бўлмаса;

- таклифлар Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонун талабларига мувофиқ бўлмаса.

11.29. Жамият кузатув кенгашининг масалани акциядорлар умумий йиғилишининг кун тартибига ёки номзодни жамият кузатув кенгашига ва тафтишчилигига сайлов бўйича овоз бериш учун номзодлар рўйхатига киритишни рад этиш тўғрисидаги асослантирилган қарори масалани киритган ёки таклиф тақдим этган акциядорларга (акциядорга) қарор қабул қилинган кундан эътиборан уч иш кунидан кечиктирмай юборилади.

11.30. Жамият кузатув кенгашининг масалани акциядорлар умумий йиғилишининг кун тартибига ёки номзодни жамият кузатув кенгашига ва тафтишчилигига сайлов бўйича овоз бериш учун номзодлар рўйхатига киритишни рад этиш тўғрисидаги қарори устидан судга шикоят қилиниши мумкин.

11.31. Акциядорларнинг навбатдан ташқари умумий йиғилиши жамият кузатув кенгашининг қарорига кўра унинг ўз ташаббуси асосида, тафтишчининг ёзма талаби, шунингдек ёзма талаб тақдим этилган санада жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) ёзма талаби асосида ўтказилади.

11.32. Жамият тафтишчисининг ёки жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) ёзма талабига кўра акциядорларнинг навбатдан ташқари умумий йиғилишини чақириш акциядорларнинг навбатдан ташқари умумий йиғилишини ўтказиш ҳақида ёзма талаб тақдим этилган кундан эътиборан ўттиз кундан кечиктирмай жамиятнинг кузатув кенгаши томонидан амалга оширилади.

11.33. Акциядорларнинг навбатдан ташқари умумий йиғилишини ўтказиш тўғрисидаги талабда йиғилиш кун тартибига киритилиши керак бўлган масалалар уларни киритиш сабаблари кўрсатилган ҳолда таърифланган бўлиши керак.

11.34. Жамиятнинг кузатув кенгаши жамият тафтишчисининг ёки жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра чақириладиган акциядорларнинг навбатдан ташқари умумий йиғилиши кун тартибидеги масалаларнинг таърифига ўзгартишлар киритишга ҳақли эмас.

11.35. Акциядорларнинг навбатдан ташқари умумий йиғилишини чақириш тўғрисидаги талаб акциядордан (акциядорлардан) чиққан тақдирда, бу талабда умумий йиғилишни чақиришни талаб қилаётган акциядорнинг (акциядорларнинг) исми-шарифи (номи), унга тегишли акцияларнинг сони, тури кўрсатилган бўлиши лозим.

11.36. Акциядорларнинг навбатдан ташқари умумий йиғилишини чақириш тўғрисидаги талаб акциядорларнинг навбатдан ташқари умумий йиғилишини чақиришни талаб қилган шахс (шахслар) томонидан имзоланади.

11.37. Жамиятнинг тафтишчиси ёки жамият овоз берувчи акцияларининг камида беш фоизига эгалик қилувчи акциядор (акциядорлар) акциядорларнинг навбатдан ташқари умумий йиғилишини чақириш тўғрисида талаб тақдим этган санадан эътиборан ўн кун ичида жамият кузатув кенгаши акциядорларнинг навбатдан ташқари умумий йиғилишини чақириш тўғрисида ёки йиғилишни чақиришни рад этиш ҳақида қарор қабул қилиши керак.

11.38. Жамият тафтишчисининг ёки жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра акциядорларнинг

навбатдан ташқари умумий йиғилишини чақиришни рад этиш тўғрисидаги қарор куйидаги ҳолларда қабул қилиниши мумкин, агар:

- акциядорларнинг навбатдан ташқари умумий йиғилишини чақиришни талаб қилаётган акциядор (акциядорлар) ушбу уставнинг 11.31. бандида назарда тутилган миқдордаги жамият овоз берувчи акцияларининг эгаси бўлмаса;
- кун тартибига киритиш учун таклиф этилган масалалардан бирортаси ҳам акциядорлар умумий йиғилишининг ваколат доирасига кирмаса;
- кун тартибига киритиш учун таклиф этилган масала Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонун талабларига мувофиқ бўлмаса.

11.39. Жамият кузатув кенгашининг акциядорларнинг навбатдан ташқари умумий йиғилишини чақириш тўғрисидаги қарори ёки бундай йиғилишни чақиришни рад этиш ҳақидаги асослантирилган қарори йиғилиш чақиришни талаб қилган шахсларга қарор қабул қилинган пайтдан эътиборан уч иш кунидан кечиктирмай юборилади.

11.40. Жамият кузатув кенгашининг акциядорларнинг навбатдан ташқари умумий йиғилишини чақиришни рад этиш тўғрисидаги қарори устидан судга шикоят қилиниши мумкин.

11.41. Жамият кузатув кенгаши ушбу уставнинг 11.37. бандида белгиланган муддат ичида акциядорларнинг навбатдан ташқари умумий йиғилишини чақириш тўғрисида қарор қабул қилмаган тақдирда ёки уни чақиришни рад этиш ҳақида қарор қабул қилган тақдирда, акциядорларнинг навбатдан ташқари умумий йиғилиши уни чақиришни талаб қилган шахслар томонидан чақирилиши мумкин. Бундай ҳолларда акциядорларнинг умумий йиғилишига тайёргарлик кўриш ва уни ўтказиш билан боғлиқ харажатларнинг ўрни акциядорлар умумий йиғилишининг қарорига кўра жамиятнинг маблағлари ҳисобидан қопланиши мумкин.

11.42. Агар акциядорларнинг умумий йиғилишида иштирок этиш учун рўйхатдан ўтказиш тугалланган пайтда жамиятнинг жойлаштирилган овоз берувчи акцияларининг жами эллик фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг умумий йиғилиши ваколатли (кворумга эга) бўлади.

11.43. Акциядорларнинг умумий йиғилишини ўтказиш учун кворум бўлмаса, акциядорларнинг такрорий умумий йиғилишини ўтказиш санаси эълон қилинади. Акциядорларнинг такрорий умумий йиғилишини ўтказишда кун тартибини ўзгартиришга йўл қўйилмайди.

11.44. Агар акциядорларнинг ўтказилмай қолган йиғилиши ўрнига чақирилган такрорий умумий йиғилишида иштирок этиш учун рўйхатдан ўтказиш тугалланган пайтда жамиятнинг жойлаштирилган овоз берувчи акцияларининг жами қирқ фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг такрорий умумий йиғилиши ваколатли бўлади.

11.45. Акциядорларнинг такрорий умумий йиғилишини ўтказиш тўғрисида хабар қилиш ушбу уставнинг 11.22. бандида назарда тутилган муддатларда ва шаклда амалга оширилади.

11.46. Кворум бўлмаганлиги сабабли акциядорларнинг умумий йиғилишини ўтказиш санаси йигирма кундан кам муддатга кўчирилган тақдирда, умумий йиғилишда иштирок этиш ҳуқуқига эга бўлган акциядорлар ўтказилмай қолган умумий йиғилишда иштирок этиш ҳуқуқига эга бўлган акциядорларнинг реестрига мувофиқ аниқланади.

11.47. Акциядорларнинг умумий йиғилишида овоз бериш «жамиятнинг овоз берувчи битта акцияси - битта овоз» принципи бўйича амалга оширилади, жамиятнинг кузатув кенгаши аъзоларини сайлаш бўйича кумулятив овоз беришни ўтказиш ҳоллари бундан мустасно.

11.48. Акциядорлар умумий йиғилишининг баённомаси акциядорларнинг умумий йиғилиши ёпилганидан кейин ўн кундан кечиктирмай икки нусхада тузилади. Ҳар иккала нусха ҳам умумий йиғилишда раислик қилувчи ва умумий йиғилиш котиби томонидан имзоланади.

11.49. Акциядорлар умумий йиғилишининг баённомасида:

- o акциядорларнинг умумий йиғилиши ўтказилган сана, вақт ва жой;
- o жамиятнинг овоз берувчи акцияларига эгалик қилувчи акциядорлар эга бўлган овозларнинг умумий сони;
- o умумий йиғилишда иштирок этган акциядорлар эга бўлган овозларнинг сони;
- o умумий йиғилишнинг раиси (раёсати) ва котиби, йиғилиш кун тартиби кўрсатилади.

11.50. Акциядорлар умумий йиғилишининг баённомасида маърузаларнинг асосий қоидалари, овозга қўйилган масалалар ҳамда улар юзасидан ўтказилган овоз бериш яқунлари, йиғилиш қабул қилган қарорлар кўрсатилиши лозим.

12. ЖАМИЯТНИНГ КУЗАТУВ КЕНГАШИ

12.1. Жамиятнинг кузатув кенгаши жамият фаолиятига умумий раҳбарликни амалга оширади, Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонун ва ушбу устав билан акциядорлар умумий йиғилишининг ваколат доирасига киритилган масалаларни ҳал этиш бундан мустасно.

12.2. Жамият кузатув кенгаши аъзоларининг сони 7 кишидан иборат.

12.3. Жамият кузатув кенгашининг ваколат доирасига қуйидагилар киради:

12.3.1. жамиятни ривожлантириш стратегиясига эришиш бўйича кўрилаётган чоратadbирлар тўғрисида жамият ижроия органининг ҳисоботини мунтазам равишда эшитиб борган ҳолда жамият фаолиятининг устувор йўналишларини белгилаш;

12.3.2. акциядорларнинг йиллик ва навбатдан ташқари умумий йиғилишларини чақириш, бундан ушбу уставнинг 11.41. бандида назарда тутилган ҳоллар мустасно;

12.3.3. акциядорлар умумий йиғилишининг кун тартибини тайёрлаш;

12.3.4. акциядорларнинг умумий йиғилиши ўтказиладиган сана, вақт ва жойни белгилаш;

12.3.5. акциядорларнинг умумий йиғилиши ўтказилиши ҳақида хабар қилиш учун жамият акциядорларининг реестрини шакллантириш санасини белгилаш;

12.3.6. ушбу уставнинг 11.6.1. кичик бандида назарда тутилган масалаларни акциядорларнинг умумий йиғилиши ҳал қилиши учун киритиш;

12.3.7. мол-мулкнинг бозор қийматини белгилашни ташкил этиш;

12.3.8. корпоратив маслаҳатчини тайинлаш ва унинг фаолияти тартибини белгиловчи низомни тасдиқлаш, агар жамият уставида бундай лавозимни жорий этиш назарда тутилган бўлса;

12.3.9. жамиятнинг йиллик бизнес-режасини тасдиқлаш. Жамиятнинг келгуси йилга мўлжалланган бизнес-режаси жамият кузатув кенгаши мажлисида жорий йилнинг 1 декабрдан кечиктирмай маъқулланиши лозим;

- 12.3.10.** ички аудит хизматини ташкил этиш ва унинг ходимларини тайинлаш, шунингдек ҳар чорақда унинг ҳисоботларини эшитиб бориш;
- 12.3.11.** жамият ижроия органининг фаолиятига дахлдор ҳар қандай ҳужжатлардан эркин фойдаланиш ва жамият кузатув кенгаши зиммасига юклатилган вазифаларни бажариш учун бу ҳужжатларни ижроия органидан олиш. Жамият кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;
- 12.3.12.** аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш ҳақида қарор қабул қилиш;
- 12.3.13.** жамиятнинг тафтишчисига тўланадиган ҳақ ва компенсацияларнинг миқдорлари юзасидан тавсиялар бериш;
- 12.3.14.** дивиденд миқдори, уни тўлаш шакли ва тартиби юзасидан тавсиялар бериш;
- 12.3.15.** жамиятнинг захира фондидан ва бошқа фондларидан фойдаланиш;
- 12.3.16.** жамиятнинг филиалларини ташкил этиш ва ваколатхоналарини очиш;
- 12.3.17.** жамиятнинг шўъба ва тобе хўжалик жамиятларини ташкил этиш;
- 12.3.18.** Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуннинг 8 бобига асосан баланс қиймати ёки олиш қиймати битим тузиш тўғрисида қарор қабул қилинаётган санада жамият соф активлари миқдорининг ўн беш фоизидан эллик фоизигачасини ташкил этувчи мол-мулк хусусида йирик битим тузиш тўғрисида қарор қабул қилиш;
- 12.3.19.** Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуннинг 9-бобига асосан жамиятнинг аффилиланган шахси билан битим тузиш тўғрисида қарор қабул қилиш;
- 12.3.20.** жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;
- 12.3.21.** жамиятнинг корпоратив облигацияларини қайтариб сотиб олиш тўғрисида қарор қабул қилиш;
- 12.3.22.** жамиятнинг устав фондиди (устав капиталини) кўпайтириш масалаларини, шунингдек жамият уставига жамиятнинг устав фондиди (устав капиталини) кўпайтириш ҳамда жамиятнинг эълон қилинган акциялари сонини камайитириш билан боғлиқ ўзгартиш ва қўшимчалар киритиш тўғрисидаги масалаларни ҳал қилиш;
- 12.3.23.** қимматли қоғозларни чиқариш тўғрисидаги қарорга ва рисолага ўзгартириш ва (ёки) қўшимчалар киритиш тўғрисидаги масалаларни ҳал қилиш;
- 12.3.24.** Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуннинг 34-моддасига мувофиқ акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;
- 12.3.25.** жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;
- 12.3.26.** ҳомийлик (хайрия) ёки беғараз ёрдам кўрсатиш (олиш) тўғрисида қарорларни фақат акциядорларнинг умумий йиғилиши томонидан белгиланган тартиб ва шартлар асосида, шунингдек, қонун ҳужжатларида белгиланган доирада, бу ҳақда барча акциядорлар учун маълумотларни ошкор этган тарзда қабул қилиш;
- 12.3.27.** жамият кузатув кенгаши қошида кузатув кенгаши, бошқарув аъзолари, жамият ходимлари ва жалб этилган экспертлар (тегишли соҳа мутахассислари, соҳа

олий таълим муассасалари ўқитувчилари ва бошқалар)дан иборат тегишли масалалар, шу жумладан, низоли вазиятларни аниқлаш ва ҳал этиш бўйича қўмиталар (ишчи гуруҳлар) ташкил этиш;

12.3.28. корпоратив бошқарув тизимини баҳолашни ўтказиш учун мустақил ташкилотни танлов асосида танлаш;

12.3.29. қимматли қоғозларнинг ҳосилаларини чиқариш тўғрисида қарор қабул қилиш.

12.4. Жамият кузатув кенгашининг ваколат доирасига Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонун ва ушбу уставга мувофиқ бошқа масалаларни ҳал этиш ҳам киритилиши мумкин.

12.5. Жамият кузатув кенгашининг ваколат доирасига киритилган масалалар ҳал қилиш учун жамиятнинг ижроия органига ўтказилиши мумкин эмас.

12.6. Жамият кузатув кенгашининг аъзолари акциядорларнинг умумий йиғилиши томонидан бир йил муддатга сайланади.

12.7. Жамиятнинг кузатув кенгаши таркибига сайланган шахслар чекланмаган тарзда қайта сайланиши мумкин.

12.8. Жамият бошқаруви аъзолари жамиятнинг кузатув кенгашига сайланиши мумкин эмас.

12.9. Айти шу жамиятда меҳнат шартномаси (контракт) бўйича ишлаётган шахслар жамиятнинг кузатув кенгаши аъзоси бўлиши мумкин эмас.

12.10. Жамиятнинг кузатув кенгаши таркибига сайланадиган шахсларга нисбатан қўйиладиган талаблар жамият уставида ёки акциядорларнинг умумий йиғилиши томонидан тасдиқланган акциядорлар умумий йиғилиши тўғрисидаги низомда белгилаб қўйилиши мумкин.

12.11. Жамиятнинг кузатув кенгаши аъзолари сайлови кумулятив овоз бериш орқали амалга оширилади.

12.12. Кумулятив овоз беришда ҳар бир акциядорга тегишли овозлар сони жамиятнинг кузатув кенгашига сайланиши лозим бўлган шахслар сонига қўпайтирилади ва акциядор шу тариха олинган овозларни битта номзодга тўлиқ беришга ёки икки ва ундан ортиқ номзодлар ўртасида тақсимлашга ҳақли.

12.13. Энг қўп овоз тўплаган номзодлар жамият кузатув кенгашининг таркибига сайланган деб ҳисобланади.

12.14. Жамият кузатув кенгашининг раиси, кузатув кенгаши аъзоларининг умумий сонига нисбатан қўпчилик овоз билан, ушбу кенгаш таркибидан кузатув кенгаши аъзолари томонидан сайланади.

12.15. Жамиятнинг кузатув кенгаши, ўз раисини кузатув кенгаши аъзоларининг умумий сонига нисбатан қўпчилик овоз билан қайта сайлашга ҳақли.

12.16. Жамият кузатув кенгашининг раиси унинг ишини ташкил этади, кузатув кенгаши мажлисларини чақиради ва уларда раислик қилади, мажлисларда баённома юритилишини ташкил этади, акциядорларнинг умумий йиғилишида раислик қилади.

12.17. Жамият кузатув кенгашининг раиси бўлмаган тақдирда унинг вазифасини кузатув кенгашининг аъзоларидан бири амалга оширади.

12.18. Жамият кузатув кенгашининг мажлиси кузатув кенгашининг раиси томонидан унинг ўз ташаббусига кўра, жамият кузатув кенгаши, тафтишчисининг, бошқарув аъзоларининг, шунингдек ушбу уставда белгиланган бошқа шахсларнинг талабига кўра чақиради.

12.19. Жамият овоз берувчи акцияларининг ҳаммаси бўлиб камида бир фоизига эгалик қилувчи акциядор (акциядорлар) жамият кузатув кенгаши мажлиси чақиришни талаб қилиш ва кун тартиби юзасидан таклифлар киритиш ҳуқуқига эга.

12.20. Жамият кузатув кенгашининг мажлисини ўтказиш учун кворум жамият кузатув кенгашига сайланган аъзоларнинг етмиш беш фоизидан кам бўлмаслиги керак.

12.21. Жамият кузатув кенгаши аъзоларининг сони ушбу уставнинг 12.2. бандида назарда тутилган миқдорнинг етмиш беш фоизидан кам бўлган тақдирда, жамият кузатув кенгашининг янги таркибини сайлаш учун акциядорларнинг навбатдан ташқари умумий йиғилишини чақириши шарт. Кузатув кенгашининг қолган аъзолари акциядорларнинг бундай навбатдан ташқари умумий йиғилишини чақириш тўғрисида қарор қабул қилишга, шунингдек жамият ижроия органи раҳбарининг ваколатлари муддатидан илгари тугатилган тақдирда, унинг вазифасини вақтинча бажарувчини тайинлашга ҳақлидир.

12.22. Жамият кузатув кенгашининг мажлисида қарорлар мажлисда ҳозир бўлганларнинг кўпчилик овози билан қабул қилинади. Жамият кузатув кенгашининг мажлисида масалалар ҳал этилаётганда кузатув кенгашининг ҳар бир аъзоси битта овозга эга бўлади. Ушбу уставнинг 4.3. бандида кўрсатилган масалалар бўйича қарор жамият кузатув кенгаши томонидан бир овоздан қабул қилинади.

12.23. Жамият кузатув кенгаши томонидан давлат вакилининг иштирокисиз қабул қилинган қарорлар, шунингдек вето қўйилган қарорлар ижро этилмайди.

12.24. Жамият кузатув кенгашининг бир аъзоси ўз овозини кузатув кенгашининг бошқа аъзосига беришига йўл қўйилмайди.

12.25. Жамият кузатув кенгашининг мажлисида баённома юритилади. Кузатув кенгаши мажлисининг баённомаси мажлис ўтказилганидан сўнг ўн кундан кечиктирмай тузилади. Мажлис баённомасида қуйидагилар кўрсатилади:

- мажлис ўтказилган сана, вақт ва жой;
- мажлисда ҳозир бўлган шахслар;
- мажлиснинг кун тартиби;
- овоз беришга қўйилган масалалар, улар юзасидан ўтказилган овоз бериш яқунлари;
- қабул қилинган қарорлар.

12.26. Жамият кузатув кенгаши мажлисининг баённомаси мажлисда иштирок этаётган жамият кузатув кенгаши аъзолари томонидан имзоланади, улар мажлис баённомаси тўғри расмийлаштирилиши учун жавобгар бўлади.

12.27. Жамият кузатув кенгашининг қарорлари сиртдан овоз бериш йўли билан (сўров йўли билан) жамият кузатув кенгашининг барча аъзолари томонидан бир овоздан қабул қилиниши мумкин.

12.28. Жамият кузатув кенгаши мажлисининг баённомаси имзоланган куни жамиятнинг ижроия органига ижро этиш учун топширилади. Кузатув кенгаши акциядорларнинг умумий йиғилишини чақириш тўғрисида қарор қабул қилган тақдирда мазкур қарор ҳақидаги ахборот жамиятнинг ижроия органига кузатув кенгашининг мажлиси ўтказиладиган куни топширилади.

13. ЖАМИЯТНИНГ ИЖРОИЯ ОРГАНИ

13.1. Жамиятнинг кундалик фаолиятига раҳбарлик қилиш жамият бошқаруви томонидан амалга оширилади. Жамиятнинг бошқаруви аъзоларининг сони 7 кишидан иборат.

13.2. Акциядорларнинг умумий йиғилиши томонидан тайинланадиган жамият ижроия органи таркибига кирган шахснинг ваколатлари муддатидан илгари тугатилган тақдирда,

жамият кузатув кенгашининг қарори билан белгиланган шахс унинг вазифаларини акциядорларнинг навбатдаги умумий йиғилишигача бўлган даврда вақтинча бажариб туришига йўл қўйилади.

13.3. Жамият ижроия органининг ваколатига жамиятнинг кундалик фаолиятига раҳбарлик қилишга доир барча масалалар киради, акциядорлар умумий йиғилишининг ёки жамият кузатув кенгашининг ваколат доирасига киритилган масалалар бундан мустасно.

13.4. Жамиятнинг ижроия органи акциядорлар умумий йиғилишининг ва жамият кузатув кенгашининг қарорлари бажарилишини ташкил этади.

13.5. Жамиятнинг бошқарув раиси жамият номидан ишончномасиз иш юритади, шу жумладан унинг манфаатларини ифодалайди, жамият номидан битимлар тузади, жамиятнинг филиали ёки ваколатхонаси раҳбарини тайинлайди, штатларни тасдиқлайди, жамиятнинг барча ходимлари бажариши мажбурий бўлган буйруқлар чиқаради ва кўрсатмалар беради.

13.6. Жамият бошқарув раисининг ваколат доирасига қуйидагилар ҳам киради:

- жамият фаолиятининг жорий ва дастурларини ишлаб чиқиш;
- ишлаб чиқариш, илмий-техник, ижтимоий ва табиатни муҳофаза қилиш дастурларини молиялаш учун инвестициялар жалб қилишда иштирок этиш;
- махфий характердаги маълумотлар рўйхатини ва уларни олиш тартибини белгилаш;
- жамият акциядорларининг умумий йиғилиш ва жамият кузатув кенгашига жамиятнинг молия-хўжалик фаолияти ҳақидаги баланс ва йиллик ҳисоботни тақдим этиш;
- жамият акциядорларининг умумий йиғилиш ва жамият кузатув кенгашига фойдани тақсимлаш ва зарарни қоплаш тартиби ҳақида таклифлар киритиш;
- ўзининг ваколатларидан чиқмаган ҳолда жамиятнинг ички ҳужжатларини ва ижроия аппаратининг ташкилий тизимини тасдиқлаш.

13.7. Жамият бошқарув раиси:

- Ўзбекистон Республикаси ва чет элларда шартномалар, контрактлар ва бошқа битимлар тузади, банк ва молия операцияларини амалга оширади, шундай операцияларни амалга оширишга бошқа шахсларга ваколатномалар беради;
- жамият фаолиятининг молиявий, инвестициявий, ишлаб чиқариш дастурларини амалга оширишни ташкил қилади;
- жамият ишчилари билан меҳнат шартномаларини имзолайди, шу жумладан агар жамият кузатув кенгаши томонидан унга ваколат берилган бўлса жамият бошқарув аъзолари билан ҳам шартномалар тузади;
- жамият фаолияти ҳақида оммавий ахборот воситаларига ахборотлар беради ва жамоатчилик билан алоқаларни амалга оширади;
- жамият мулки ва маблағларини бошқаради;
- Ўзбекистон Республикаси ва бошқа давлатларнинг юридик ва жисмоний шахсларига нисбатан жамият номидан даъволар тақдим этиш ҳақида қарорлар қабул қилади;
- банкларда ҳисоб, валюта ва бошқа рақамларни очади;
- жамиятни ижтимоий ривожлантириш масалаларини ҳал этади;
- жамият фаолиятининг ишлаб чиқариш ва молиявий фаолияти учун жавоб беради;

- жамиятнинг нормал фаолиятини таъминлаш билан боғлиқ бошқа вазифаларни бажаради.

13.8. Жамиятнинг ижроия органларини тузиш ҳамда уларнинг ваколатларини муддатидан илгари тугатиш акциядорлар умумий йиғилишининг қарорига кўра амалга оширилади. Жамият акциядорлар умумий йиғилишининг қарорига кўра жамият бошқарув аъзоларини тайинлаш, қоида тариқасида, чет эллик менежерлар иштирок этиши мумкин бўлган танлов бўйича саралаш асосида амалга оширилади.

13.9. Акциядор (акциядорлар) вакили сифатида иштирок этувчи жамият бошқарув аъзолари жамият бошқарув аъзолар сайлаш масаласида овоз бериш ҳуқуқига эга эмас.

13.10. Жамият бошқарув раиси ва филиалларнинг раҳбарлари, раҳбарлик ва касбий маҳоратга эга бўлган номзодлар жамият кузатув кенгашининг таклифига биноан “Ўздонмахсулот” акциядорлик компанияси, Ўзбекистон Республикаси Давлат рақобат қўмитаси ва Тошкент шаҳар ҳокимлиги томонидан муқобиллик асосида танланади ва жамият акциядорларининг умумий йиғилишига тасдиқлаш учун тавсия этилади.

13.11. Жамият бошқаруви аъзоларининг ёки ишончли бошқарувчининг ҳуқуқ ва мажбуриятлари тегишинча Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонун ва бошқа қонун ҳужжатларида, ушбу уставда ҳамда уларнинг ҳар бири жамият билан бир йил муддатга тузадиган шартномада белгиланиб, шартноманинг амал қилиш муддатини узайтириш ёки уни бекор қилиш мумкинлиги тўғрисида ҳар йили қарор қабул қилинган ҳолда 1 йил муддатга тузилади. Шартнома жамият номидан жамият кузатув кенгашининг раиси ёки кузатув кенгаши ваколат берган шахс томонидан имзоланади. Жамият бошқарувининг раиси ёки ишончли бошқарувчи билан тузиладиган шартномада уларнинг жамият фаолияти самарадорлигини ошириш бўйича мажбуриятлари ҳамда жамиятнинг йиллик бизнес-режасини бажариш қандай бораётганлиги юзасидан акциядорларнинг умумий йиғилиши ва жамият кузатув кенгаши олдида берадиган ҳисоботларининг даврийлиги назарда тутилиши керак.

13.12. Жамиятнинг бошқарув аъзоларига тўланадиган ҳақ миқдори, шунингдек ишончли бошқарувчининг хизматларига ҳақ тўлаш шартлари жамият фаолиятининг самарадорлигига тўғридан-тўғри боғлиқ бўлади ва шартномада белгиланган бўлиши керак.

13.13. Жамиятнинг бошқарув раиси вазифаларини бошқа ташкилотларнинг бошқарув органларидаги лавозим билан биргаликда эгаллаб туришга фақат жамият кузатув кенгашининг розилиги билан йўл қўйилади.

13.14. Акциядорларнинг умумий йиғилиши ёки жамият кузатув кенгаши жамиятнинг бошқарув аъзолари ёки ишончли бошқарувчи билан тузилган шартномани улар шартнома шартларини бузган тақдирда тугатишга (бекор қилишга) ҳақли.

13.15. Жамият кузатув кенгаши жамият бошқарувининг аъзолари, шунингдек ишончли бошқарувчи билан тузилган шартномани, агар улар жамият уставини қўпол тарзда бузса ёки уларнинг ҳаракатлари (ҳаракатсизлиги) туфайли жамиятга зарар етказилган бўлса, муддатидан илгари тугатиш (бекор қилиш) ҳуқуқига эга.

13.16. Жамиятнинг ижроия органи ушбу устав ва акциядорларнинг умумий йиғилиши томонидан тасдиқланган ижроия органи ҳақидаги низом асосида иш юритади.

13.17. Жамият бошқарувининг мажлисида баённома юритилади. Жамият бошқаруви мажлисининг баённомаси кузатув кенгашининг ва тафтишчининг аъзолари талабига кўра уларга берилади.

13.18. Жамиятнинг бошқаруви мажлисларини ўтказишни бошқарув раиси ташкил этади, у жамият номидан барча ҳужжатларни ҳамда жамият бошқаруви мажлиси баённомаларини имзолайди, жамиятнинг бошқаруви ўз ваколат доирасида қабул қилган қарорларга мувофиқ жамият номидан ишончномасиз иш юритади.

13.19. Жамият кузатув кенгашининг аъзолари, жамият бошқаруви аъзолари, ўз ҳуқуқларини амалга оширишда ва ўз мажбуриятларини бажаришда жамиятнинг манфаатларини кўзлаб иш тутиши ҳамда белгиланган тартибда жавобгар бўлиши лозим.

13.20. Жамиятга зарар етказилишига сабаб бўлган қарорга овоз беришда иштирок этмаган ёки ушбу қарорга қарши овоз берган жамият бошқарув аъзолари жавобгар бўлмайди бундан Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонунининг 90 моддасида белгиланган ҳоллар мустасно.

13.21. Агар 13.18. ва 13.19. бандларда кўрсатилган қоидаларига мувофиқ бир нечта шахс жавобгар бўлса, уларнинг жамият олдидаги жавобгарлиги солидар жавобгарлик бўлади.

13.22. Жамият ёки у жойлаштирган акцияларнинг ҳаммаси бўлиб камида бир фоизига эгаллик қилувчи акциядор (акциядорлар) жамиятга етказилган зарарларнинг ўрнини қоплаш тўғрисидаги даъво билан жамият бошқарув аъзолари, шунингдек ишончли бошқарувчи устидан судга мурожаат қилишга ҳақли.

14. ЖАМИЯТНИНГ ФАОЛИЯТИНИ НАЗОРАТ ҚИЛИШ.

14.1. Жамиятнинг молия-хўжалик фаолиятини назорат қилиш учун акциядорларнинг умумий йиғилиши томонидан бир йил муддатга тафтишчи сайланади.

14.2. Жамият тафтишчисига доир малака талаблари акциядорларнинг умумий йиғилиши томонидан белгиланади. Айти бир шахс айти бир жамиятнинг тафтишчиликка кетма-кет уч мартадан ортиқ сайланиши мумкин эмас.

14.3. Жамият тафтишчисининг фаолият кўрсатиш тартиби акциядорларнинг умумий йиғилиши томонидан тасдиқланадиган, жамият тафтишчиси тўғрисидаги низомда белгиланади.

14.4. Жамият тафтишчисининг ёзма талабига кўра жамият ижроия органида мансабни эгаллаб турган шахслар жамиятнинг молия-хўжалик фаолияти тўғрисидаги ҳужжатларни тафтишчига тақдим этиши шарт.

14.5. Жамият тафтишчиси бир вақтнинг ўзида жамият кузатув кенгашининг аъзоси бўлиши, шунингдек айти шу жамиятда меҳнат шартномаси (контракт) бўйича ишлаши мумкин эмас.

14.6. Жамиятнинг молия-хўжалик фаолиятини текшириш тафтишчининг, акциядорлар умумий йиғилишининг, жамият кузатув кенгашининг ташаббусига кўра ёки жамият овоз берувчи акцияларининг камида беш фоизига эгаллик қилувчи акциядорнинг (акциядорларнинг) талабига кўра жамият кузатув кенгашини олдиндан хабардор қилиш йўли билан бир йиллик ёки бошқа давр ичидаги фаолият якунлари бўйича амалга оширилади.

14.7. Жамиятнинг молия-хўжалик фаолиятини текшириш якунларига кўра жамият тафтишчиси хулоса тузади, бу хулосада:

- жамиятнинг ҳисоботларида ва бошқа молиявий ҳужжатларида кўрсатилган маълумотларнинг ишончлилигига доир баҳо;

- бухгалтерия ҳисобини юритиш ва молиявий ҳисоботни тақдим этиш тартиби бузилганлиги, шунингдек молия-хўжалик фаолияти амалга оширилаётганда қонун ҳужжатлари бузилганлиги фактлари тўғрисидаги ахборот кўрсатилиши шарт.
- 14.8.** Тафтишчи жамиятда аффилиланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва жамият ички ҳужжатларининг бундай битимларни тузишга доир талабларига риоя қилиниши тўғрисидаги хулосани ҳар чоракда жамият кузатув кенгашининг мажлисига олиб чиқади. Ушбу уставнинг 14.7. бандида кўрсатилган ахборотни ўз ичига олган хулоса акциядорларнинг йиллик умумий йиғилишида эшитилади.
- 14.9.** Активларининг баланс қиймати энг кам иш ҳақи миқдорининг юз минг баробаридан кўп бўлган жамиятда ички аудит хизмати ташкил этилади. Ички аудит хизмати жамиятнинг кузатув кенгашига ҳисобдордир.
- 14.10.** Жамиятнинг ички аудит хизмати жамиятнинг ижроия органи, филиаллари ва ваколатхоналари томонидан қонун ҳужжатларига, ушбу уставга ва бошқа ҳужжатларга риоя этилишини, бухгалтерия ҳисобида ва молиявий ҳисоботларда маълумотларнинг тўлиқ ҳамда ишончли тарзда акс эттирилиши таъминланишини, хўжалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг сақланишини, шунингдек жамиятни бошқариш юзасидан қонун ҳужжатларида белгиланган талабларга риоя этилишини текшириш ҳамда мониторинг олиб бориш орқали жамиятнинг ижроия органи, филиаллари ва ваколатхоналари ишини назорат қилади ҳамда баҳолайди.
- 14.11.** Жамиятнинг ички аудит хизмати ички назоратни, шу жумладан, 50 фоиздан зиёд улуши жамиятга тегишли бўлган юридик шахслар билан ўтказилган операциялар устидан назоратни амалга оширади.
- 14.12.** Жамиятнинг ички аудит хизмати ўз фаолиятини қонунчиликда белгиланган тартибда ва жамият кузатув кенгаши томонидан тасдиқланадиган ички аудит хизмати тўғрисидаги низом асосида амалга оширади.
- 14.13.** Жамият фаолиятида корпоратив қонун ҳужжатлар талабларига риоя этилишини назорат қилишга масъул бўлган ва жамият кузатув кенгашига ҳисобот берувчи корпоратив маслаҳатчи лавозимини жорий этилиши мумкин.

15. ЯКУНЛОВЧИ ҚОИДАЛАР.

- 15.1.** Ушбу устав қонун ҳужжатларда белгиланган тартибда давлат рўйхатига олинган пайдан бошлаб кучга киради.
- 15.2.** Агар Ўзбекистон Республикасининг қонун ҳужжатларида ушбу уставда назарда тутилганидан бошқача қоидалар белгиланган бўлса, қонун ҳужжатларда кўрсатилган қоидалар қўлланилади.
- 15.3.** Ушбу уставда ўз ифодасини топмаган масалалар қонун ҳужжатлари бўйича тартибга солинади.

... yil" " ... kunida
Toshkent shahar, Mirbod tuman 9-sonli davlat notari
idoral notari A.Shanazarova A.S., shu huzur hujjatning
erkinligini tasdiqlayman, shuningdek, ushbu qil
tasdiqlanishini, o'zida notari tomonidan o'zlashtirilgan so'zlar va boshq
lar bo'yicha hech qanday shart-sharoitlar mavjud emasligini tasdiqlayman.
... Davlat boji undirildi.
Notariy A.Shanazarova



[Large handwritten signature]

Давлат божи ва ин билан тикланди.
2- (илин) борадан бердан иборат.
АШШАНАЗАРОВА